



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU **STRANKE DEMOKRATSKE AKCIJE**

Broj: 03-07-6-335/16  
Sarajevo, 16. avgust 2017. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke demokratske akcije za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2015. godinu, utvrđeno je da je Stranka demokratske akcije prekršila odredbe člana 5. stav (4), člana 6. stav (2), člana 11. i člana 12. Zakona o finansiranju političkih stranaka i člana 15.10 Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke demokratske akcije za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka demokratske akcije se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	95.542,93	2,36
2.	Prilozi fizičkih lica ( 3-a )	532.949,73	13,16
3.	Prilozi pravnih lica ( 3-b )	25.150,00	0,62
4.	Prihodi od imovine ( 3-c )	61.736,60	1,52
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	22.377,69	0,55
7.	Prihodi iz budžeta ( 3-f )	3.285.974,87	81,15
8.	Prihodi od propagande ( 3-g )		0,00
9.	Ostali prihodi	25.631,54	0,63
<b>I</b>	<b>Ukupni prihodi (1-9)</b>	<b>4.049.363,36</b>	<b>100,00</b>
<b>II</b>	<b>Kreditno zaduženje kod banaka</b>	0,00	0,00
	<b>Izvori finansiranja (I+II)</b>	<b>4.049.363,36</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 3.841.263,28 KM.

## 2. PREDSTAVLJANJE POLITIČKE STRANKE

Naziv političke stranke je Stranka demokratske akcije. Skraćeni naziv stranke je SDA.

Stranka demokratske akcije upisana je u registar Višeg suda u Sarajevu, rješenjem broj: R-I-7/90 od 13.06.1990. godine.

Sjedište političke stranke je u Sarajevu, Mehmeda Spahe 14.

Lice ovlašteno za zastupanje stranke je Bakir Izetbegović, predsjednik.

Lice ovlašteno za podnošenje finansijskih izvještaja za 2015. godinu je Amir Zukić.

Prema podacima iz godišnjeg finansijskog izvještaja za 2015. godinu, organizacionu strukturu Stranke demokratske akcije čine:

- Centrala SDA,
- 9 kantonalnih odbora,
- 6 regionalnih odbora,
- Gradski odbor Mostar,
- 115 općinskih organizacija i
- SDA Brčko Distrikt BiH.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke demokratske akcije za 2015. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i člana 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke demokratske akcije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih lica i prihode iz budžeta.

### 4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Stranke demokratske akcije u periodu od 2004. do 2014. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2014. godinu, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci da vodi evidencije o primljenim priložima, da se dobrovoljni prilozi u novcu uplaćuju na transakcijski račun centrale političke stranke, da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka. Stranci je, takođe, preporučeno da u skladu sa Zakonom o računovodstvu i reviziju FBiH vrši redovan popis imovine i obaveza stranke, da uspostavi i vodi pomoćne evidencije o osnovnim sredstvima, da izvrši popis imovine i provede odgovarajuća knjiženja u poslovnim knjigama, da gotovinsko poslovanje uskladi sa propisima kojima je regulisana ova oblast i da sadržaj potvrde o primljenim priložima koje izdaje fizičkim i pravnim licima usaglasi sa odredbama člana 6. Pravilnika o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Stranka demokratske akcije nije ispoštovala date preporuke.

### 5. NALAZI I PREPORUKE

#### 5.1 NALAZI

#### **a) Stranka demokratske akcije prekršila je odredbu člana 5. stav (4) Zakona o finansiranju političkih stranaka.**

Stranka demokratske akcije nije u poslovnim knjigama evidentirala nenovčane donacije po osnovu besplatnog korištenja poslovnih prostora, čime je prekršila odredbe člana 5. stav (4) Zakona o finansiranju političkih stranaka.

- Na osnovu akta Općine Bosanska Krupa broj: 07-14-4501/16 od 16.06.2016. godine, utvrđeno je da je Stranka demokratske akcije koristila, bez naknade, prostorije u vlasništvu Općine Bosanska Krupa, površine 42,40 m<sup>2</sup>.

- Uvidom u Ugovor o davanju na korištenje poslovne prostorije broj: 08/2-31-2558/13 od 20.09.2013. godine, utvrđeno je da je u izvještajnom periodu Općinski odbor Stranke demokratske akcije Gradačac koristio, bez naknade, prostorije u vlasništvu Općine Gradačac, površine 56,64 m<sup>2</sup>.
- Prema podacima koje je dostavila Općina Hadžići, Stranka demokratske akcije je tokom 2015. godine koristila prostorije ove općine, bez naknade.
- Općinski odbor SDA Fojnica je na osnovu Odluke o dodjeli na korištenje poslovnih prostorija broj: 01-05-658-2/02 od 31.12.2002. godine, koristio bez naknade poslovnu prostoriju Općine Fojnica, površine 26,78 m<sup>2</sup>.
- Na osnovu akta Općine Jablanica broj: 01-25-4-1858/16 od 13.06.2016. godine utvrđeno je da je Stranka demokratske akcije koristila bez naknade poslovni prostor u vlasništvu Općine Jablanica, površine 25,35 m<sup>2</sup>.
- Uvidom u Ugovor o ustupanju prostorija na korištenje od 07.09.2009. godine, utvrđeno je da Stranka demokratske akcije koristi, bez naknade, prostorije u vlasništvu Općine Foča-Ustikolina, površine 62,89 m<sup>2</sup>.
- Na osnovu akta Općine Ilijaš broj: 04/1-14-1535/16 od 20.06.2016. godine, utvrđeno je da je Stranka demokratske akcije u periodu od 01.01. do 31.12.2015. godine koristila, bez naknade, prostor nad kojim pravo raspolaganja ima Općina Ilijaš, površine 37,96 m<sup>2</sup>.
- Prema podacima koje je na zahtjev Centralne izborne komisije Bosne i Hercegovine dostavila Općina Novo Sarajevo, aktom broj: 03-14-2489/2016 od 22.06.2016. godine, Stranka demokratske akcije je koristila prostor površine 81,40 m<sup>2</sup> u vlasništvu Općine Novo Sarajevo, bez plaćanja naknade.
- Na osnovu podataka koje je dostavila Stranka demokratske akcije, utvrđeno je da Općinski odbor SDA Stari Grad koristi prostorije u zgradi Općine Stari Grad bez naknade.

Stranka demokratske akcije je korištenjem poslovnih prostora u vlasništvu općina, bez plaćanja zakupnine, primila nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2015. godinu.

**b) Stranka demokratske akcije prekršila je odredbu člana 6. stav (2) Zakona o finansiranju političkih stranaka.**

Stranka demokratske akcije je u godišnjem finansijskom izvještaju za 2015. godinu iskazala priloge fizičkih lica u ukupnom iznosu od 532.949,73 KM i priloge pravnih lica u ukupnom iznosu od 25.150,00 KM.

Uvidom u izvode sa transakcijskih računa Centrale stranke, utvrđeno je da su na ove transakcijske račune uplaćeni prilozi fizičkih lica koji čine prihode Centrale Stranke demokratske akcije u ukupnom iznosu od 132.712,35 KM.

Na osnovu navedenog, utvrđeno je da prilozi fizičkih lica u iznosu od 400.237,38 KM i prilozi pravnih lica u iznosu od 25.150,00 KM nisu uplaćeni na transakcijske račune Centrale stranke, što je suprotno odredbi člana 6. stav (2) Zakona o finansiranju političkih stranaka.

**c) Politička stranka prekršila je odredbe člana 11. i člana 12. stav (1) i stav (3) Zakona o finansiranju političkih stranaka.**

Pregledom godišnjeg finansijskog izvještaja i dodatne finansijske dokumentacije, utvrđeno je da Stranka demokratske akcije nije pravilno evidentirala prihode, rashode i obaveze u poslovnim knjigama i nije obrasce godišnjeg finansijskog izvještaja popunila u skladu sa odredbama Pravilnika

o godišnjim finansijskim izvještajima političkih stranaka-u daljem tekstu: Pravilnik<sup>1</sup>, čime je prekršila odredbe člana 11. i člana 12. stav (1) i stav (3) Zakona o finansiranju političkih stranaka<sup>2</sup>.

- (1) Stranka demokratske akcije ne vodi pravilne i potpune evidencije o osnovnim sredstvima. Kontrolom prihoda od izdavanja automobila u zakup, utvrđeno je da u poslovnim knjigama nije evidentirano osnovno sredstvo-automobil koji je u vlasništvu Kantonalnog odbora SDA Livno. Služba za reviziju je utvrdila da je stranka u 2014. godini isknjižila automobil iz poslovnih knjiga, koji je amortizovan i ima knjigovodstvenu vrijednost 0,00 KM, ali je bio u upotrebi u 2015. godini.
- (2) Pregledom godišnjeg finansijskog izvještaja je utvrđeno da je stranka poslovne događaje nastale u 2012. godini evidentirala u poslovnim knjigama za 2015. godinu. Uvidom u Nalog za knjiženje iz 2015. godine, utvrđeno je da je stranka, dana 05.01.2015. godine, u poslovnim knjigama za 2015. godinu evidentirala priloge fizičkih lica u ukupnom iznosu od 50.000,00 KM, nabavku poslovnog prostora u Zvorniku i promet ostvaren putem blagajne RO SDA Zvornik, što je utvrđeno u Izvještaju o reviziji za 2014. godinu.<sup>3</sup>

Takođe, Služba za reviziju je utvrdila da je Općinski odbor SDA Velika Kladuša izvršio ulaganje u adaptaciju poslovnog prostora u vlasništvu pravnog lica „Agrokomerc“ d.d. Velika Kladuša u iznosu od 14.750,00 KM, a koji koristi po osnovu Ugovora o zakupu. Uvidom u izjave fizičkih lica koje su dostavljene 15.08.2017. godine, utvrđeno je da je 7 fizičkih lica finansiralo adaptaciju poslovnog prostora, odnosno da su dali nenovčane donacije stranci ranijih godina.

Stranka je prihode po osnovu nenovčanih donacija evidentirala u svojim poslovnim knjigama za 2015. godinu, te je u godišnjem finansijskom izvještaju za 2015. godinu iskazala kao ostale prihode, čime je prekršila odredbe člana 13. i člana 18. Pravilnika.

- (3) Stranka demokratske akcije nije u obrascima godišnjeg finansijskog izvještaja pravilno iskazala prihode iz budžeta, čime je prekršila odredbe člana 13. i 19. Pravilnika.

- Stranka je u obrascu 3-f (prihodi iz budžeta) iskazala prihode iz budžeta Opštine Šamac u iznosu od 948,00 KM.

Uvidom u podatke koje dostavila Opština Šamac utvrđeno je da su iz budžeta ove opštine Stranci demokratske akcije uplaćena sredstva u iznosu od 2.212,00 KM, od čega je 948,00 KM uplaćeno na transakcijski račun RO SDA Sjeverna Bosna broj: 3389002209401117, dok je 1.264,00 KM uplaćeno na transakcijski račun broj: 1613000035605554.

Služba za reviziju je utvrdila da stranka u obrascu 2 (pregled prometa svih transakcijskih računa političke stranke) godišnjeg finansijskog izvještaja nije iskazala navedeni transakcijski račun.

- U obrascu 3-f godišnjeg finansijskog izvještaja iskazani su prihodi iz budžeta Tuzlanskog kantona u iznosu od 59.376,96 KM, što je za 23.344,95 KM manje u odnosu na ostvarene prihode.

Prema podacima koje je dostavio Kanton Tuzla, Kantonalnom odboru SDA Tuzla su u toku 2015. godine uplaćena sredstva u iznosu od 82.721,91 KM.

- Uvidom u podatke koje je dostavio Grad Tuzla, utvrđeno je da su iz budžeta Grada Tuzla isplaćena sredstva OO SDA Tuzla u iznosu od 87.196,21 KM. Stranka demokratske akcije je, međutim, u obrascu 3-f iskazala prihode iz budžeta Grada Tuzla u iznosu od 76.838,58 KM.

<sup>1</sup> „Službeni glasnik BiH“ broj: 96/13.

<sup>2</sup> „Službeni glasnik BiH“ broj: 95/12.

<sup>3</sup> Izvještaj o reviziji godišnjeg finansijskog izvještaja za 2014. godinu i postizbornog finansijskog izvještaja –Opći izbori 2014. godine broj: 03-07-6-256/15 od 24.06.2016. godine.

- U godišnjem finansijskom izvještaju stranka je iskazala prihode iz budžeta Općine Donji Vakuf u iznosu od 6.926,65 KM. Uvidom u podatke koje je dostavila Općina Donji Vakuf, utvrđeno je da su iz budžeta ove općine izdvojena sredstva u iznosu od 7.751,65 KM, od čega je 6.926,65 KM uplaćeno na transakcijski račun, dok su sredstva u iznosu od 825,00 KM uplaćena na ime zakupnine poslovnog prostora.

(4) Pregledom godišnjeg finansijskog izvještaja je utvrđeno da stranka nije pravilno iskazala troškove zakupa poslovnih prostora i obaveze po istom osnovu, čime je prekršila odredbe člana 21., 22. i 24. Pravilnika.

Uvidom u ugovore o zakupu poslovnih prostorija i obrasce godišnjeg finansijskog izvještaja, utvrđeno je da je stranka u finansijskom izvještaju iskazala troškove zakupa u manjem iznosu u odnosu na ugovorenu cijenu zakupa za prostorije koje su koristili Gradski odbor SDA Mostar u iznosu od 18.614,40 KM i općinski odbori: Goražde u iznosu od 3.254,40 KM, Prijedor u iznosu od 3.000,00 KM, Janja u iznosu od 750,00 KM, Velika Kladuša u iznosu od 408,00 KM, Doboj Jug u iznosu od 1.050,00 KM, Doboj Istok u iznosu od 420,00 KM, Donji Vakuf u iznosu od 1.980,00 KM i Novi Travnik u iznosu od 720,00 KM.

S obzirom da stranka nije iskazala sve troškove zakupa poslovnih prostora, tako ni obaveze stranke prema zakupodavcima na dan 31.12.2015. godine nisu iskazane u godišnjem finansijskom izvještaju i poslovnim knjigama.

(5) Stranka demokratske akcije nije u godišnjem finansijskom izvještaju pravilno iskazala troškove kampanje, čime je prekršila odredbe člana 21., 22. i 23. Pravilnika.

Uvidom u Glavnu knjigu OO SDA Živinice utvrđeno je da su troškovi kampanje za Prijevremene izbore za načelnika Općine Živinice iznosili 1.945,00 KM, dok je stranka u obrascu 4.2 (troškovi propagande) iskazala troškove kampanje u iznosu od 1.275,50 KM.

(6) Pregledom godišnjeg finansijskog izvještaja je utvrđeno da Stranka demokratske akcije nije izvršila usaglašavanje obaveza sa dobavljačima na dan 31.12.2015. godine kao i da u obrascu 5 (obaveze političke stranke) nije iskazala tačne podatke o obavezama na dan 31.12.2015. godine, čime je prekršila odredbe člana 24. Pravilnika.

- Uvidom u godišnji finansijski izvještaj utvrđeno je da stranka nije iskazala obaveze Centrale SDA po osnovu bruto plata, ugovora o djelu i ostale obaveze u ukupnom iznosu od 603.981,86 KM, kao ni obaveze ostalih organizacionih dijelova stranke po istom osnovu. Stranka je u obrascu 5 iskazala samo obaveze stranke po osnovu pozajmica i obaveze prema dobavljačima.
- Uvidom u Bruto bilans KO SDA Livno utvrđeno je da ovaj odbor ima obaveze prema dobavljačima „Bosna sunce osiguranje“ u iznosu od 1.100,91 KM i „Bosna Sapna“ u iznosu od 2.100,92 KM, te obaveze po osnovu bruto plata u iznosu 2.037,44 KM. Stranka je, međutim, u obrascu 5 iskazala samo obaveze KO SDA Livno prema dobavljaču „Bosna sunce osiguranje“ i to u iznosu od 3.201,83 KM.
- Uvidom u izvode otvorenih stavki na dan 31.12.2015. godine, utvrđeno je da Centrala Stranke demokratske akcije u svojim poslovnim knjigama iskazuje obaveze prema dobavljačima „Holiday in“, „Centrotrans“ i „Lutrija BiH“ u većem iznosu u odnosu na potraživanja ovih dobavljača od stranke.

Prema podacima koje je dostavio „Holiday HTD“ doo u stečaju, obaveze Općinskog odbora SDA Novo Sarajevo na dan 01.01.2016. godine, odnosno 31.12.2015. godine iznose 1.000,00 KM. Centrala SDA, međutim, u svojim poslovnim knjigama i godišnjem finansijskom izvještaju iskazuje obaveze prema ovom dobavljaču u iznosu od 11.849,80 KM.



Uvidom u Izvod otvorenih stavki na dan 22.12.2015. godine, utvrđeno je da Centrala Stranke demokratske akcije ima obaveze prema dobavljaču „Centrotrans“ u iznosu od 3.639,00 KM, dok je stranka u poslovnim knjigama i obrascu 5 iskazala obaveze prema ovom pravnom licu u iznosu od 21.800,00 KM.

Centrala SDA je u godišnjem finansijskom izvještaju iskazala obaveze prema dobavljaču „Lutrija BiH“ u iznosu od 28.549,88 KM. Uvidom u Izvod otvorenih stavki na dan 31.12.2015. godine, utvrđeno je da Stranka demokratske akcije ima obaveze prema ovom dobavljaču u iznosu od 27.436,72 KM.

- Osim navedenog, utvrđeno je da stranka nije u godišnjem finansijskom izvještaju pravilno iskazala obaveze prema dobavljačima TD „Marketi“ d.d., KJKP „Skenderija“ i Općini Gradačac.

## **Troškovi kampanje**

Stranka demokratske akcije je učestvovala na prijevremenim izborima za načelnike općina Živinice, Kalesija i Fojnica.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>4</sup> po biraču u svakom izbornom krugu, a prema broju birača koje je objavila Centralna izborna komisija BiH.

- Stranka demokratske akcije je prema podacima Centralne izborne komisije BiH, a na osnovu broja birača, u svrhu izborne kampanje za Prijevremene izbore za načelnika Općine Živinice mogla potrošiti sredstva u iznosu od 16.088,40 KM. Prema podacima iz Glavne knjige OO SDA Živinice za potrebe kampanje utrošena su sredstva u iznosu od 1.945,00 KM.
- Stranka demokratske akcije je u svrhu izborne kampanje za Prijevremene izbore za načelnika Općine Kalesija mogla potrošiti sredstva u iznosu od 9.726,30 KM. Prema podacima iz Glavne knjige OO SDA Kalesija za potrebe izborne kampanje utrošena su sredstva u iznosu od 577,98 KM.
- Prema podacima Centralne izborne komisije BiH, a na osnovu broja birača, u svrhu izborne kampanje za Prijevremene izbore za načelnika Općine Fojnica Stranka demokratske akcije je mogla potrošiti sredstva u iznosu od 3.162,00 KM. Uvidom u Glavnu knjigu i dokumentaciju koju je dostavio OO SDA Fojnica, utvrđeno je da su za potrebe izborne kampanje za Prijevremene izbore za načelnika Općine Fojnica utrošena sredstva u iznosu od **4.469,94 KM, čime su prekršene odredbe člana 15.10 Izbornog zakona BiH.**

## **5.2 PREPORUKE**

*Preporučuje se Stranci demokratske akcije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *vodi evidencije o primljenim priložima,*
- *da se, u skladu sa članom 6. stav (2) Zakona, dobrovoljni prilozi u novcu uplaćuju na transakcijski račun Centrale političke stranke,*
- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*

---

<sup>4</sup> Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da u svrhu izborne kampanje troši sredstva u zakonom dozvoljenom iznosu.*

**Takođe se preporučuje:**

- *da u skladu sa Zakonom o računovodstvu i reviziju FBiH vrši redovan popis imovine i obaveza stranke i*
- *da izvrši popis imovine i provede odgovarajuća knjiženja u poslovnim knjigama, te uspostavi pravilne pomoćne evidencije o osnovnim sredstvima.*

**KOMENTAR:**

U ostavljenom roku, Stranka demokratske akcije je dostavila izjašnjenje na Preliminarni izvještaj o pregledu godišnjeg finansijskog izvještaja za 2015. godinu.

Stranka je u izjašnjanju navela da postupak nabavke poslovnog prostora u Tešnju nije okončan u 2015. godini, te da nije došlo do konačne uknjižbe prenosa vlasništva poslovnog prostora sa „Farex“ d.o.o Tešanj na OO SDA Tešanj jer nije sklopljen konačan ugovor. Stranka je, takođe, istakla da će izvršiti preknjižavanje poslovnog prostora sa konta 00100-Upravne zgrade na konto 00300-Gradevine u izgradnji do ovjere konačnog ugovora između OO SDA Tešanj i „Farex“ d.o.o. Tešanj.

Stranka demokratske akcije je izvršila povrat donacija pravnim licima koja su tokom 2015. godine imala sklopljene ugovore o javnim nabavkama radova, roba i usluga sa organima izvršne vlasti na svim nivoima u Bosni i Hercegovini čija je vrijedost veća od 10.000,00 KM i to: „Džena“ d.o.o. Gradačac u iznosu od 1.500,00 KM, „Studen&CO Arex“ d.o.o. Gradačac u iznosima od 1.000,00 KM i 100,00 KM, „Tom-Cat“ d.o.o Tuzla u iznosu od 100,00 KM, „SE-Sarajka“ d.o.o. u iznosu od 300,00 KM, ZU „Banja Terme“ Ilidža u iznosu od 2.000,00 KM i „VGT“ d.d. za osiguranje Visoko u iznosu od 400,00 KM, te je izvršila povrat sredstava pravnom licu „Almy“ d.o.o Zenica u iznosu od 1.200,51 KM.

Osim navedenog, Stranka demokratske akcije je u izjašnjenju navela da su u toku 2016. i 2017. godine obaveza sa dobavljačima „Holiday HTD“ doo u stečaju i „Lutrija BiH“ usaglašene i izmirene.

Služba za reviziju je uvažila argumentovane primjedbe stranke, pa je u skladu sa istima korigovala nalaze revizije iz Preliminarnog izvještaja o pregledu godišnjeg finansijskog izvještaja za 2015. godinu.

šef Odsjeka za revizijske poslove, revizor

Sanja Tošović

šef Službe za reviziju

Mr. sc. Hasida Gušić